



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

3. A quo conferantur Ordines.

[urn:nbn:de:hbz:466:1-62177](https://nbn-resolving.de/urn:nbn:de:hbz:466:1-62177)

tiam simplex sacerdos in sua ordinatione, merito Episcopatum tanquam diversum Ordinem à sacerdotio constitunt, licet Sacerdotium in sua ratione seu essentia includat: secus ac Diaconatus respectu Subdiaconatus, aut Sacerdotium respectu Diaconatus aut Subdiaconatus, quem in sua ratione non includit, ut patet ex e. *unico inf. De Clerico per salutem promoto.* Ratio diversitatis est, quia hæc Subdiaconatus inquam, Diaconatus, & Presbyteratus, significant potestates distinctas & quarum una de sui natura non requirit aliam in eodem subjecto Et licet olim Episcopus & Presbyteratus, ob paucitatem Christi fidelium & Ecclesiæ Præfectorum, concurrent in eandem persona: post modum tamen, crescente fidelium ac Presbyterorum numero, ad literes & schismata tollenda, Ecclesia alios crevit Presbyteros alios Episcopos; ut siue Episcopi & Presbyteri potestates erant distinctæ, ita etiam in aliis diverse personæ constitueruntur: idque solum vult *can. Olim Di-*
stricta 95.

§. III.

A quo conferantur Ordines.

1. *Conferuntur à proprio Episcopo*
2. *Pœna ordinantis alienæ diœcesis subditum.*
3. *Quis dicitur proprius Episcopus*
4. *Summus Pontifex ubique & quælibet ordinare potest.*

6. *Abbatibus jus est confiriendi minores Ordines.*
1. *Ius & potestatem ordinandi Clericos esse penes Episcopos*, tamquam ordinarios ministros Sacramenti ordinis, ex vi & potestate sui officii, jam antè diximus, & constat ex variis Canonibus, ut *can. 1. §. ad Episcopum distin. 25.* & alii, ac novissimè ex Conc. Trid. *Seff. 23 cap. 4 & 8. De reformat.* & *can. 7. De Sacram. Ordin.* modò tamen non sint excommunicati, majori excommunicatione, vel suspensi interdicti depositi, congradati, simoniaci, schismatici, vel hereticæ: nam à talibus ordinati, quamvis characterem ordinis, quem ipsi non amiserunt, recipiant, dummodo servetur forma Ecclesiæ, non tamen accipiunt Ordinis executionem, quam illi amiserunt, & quam proinde dare non possunt, *arg. e. Quod sedem 10. inf. De officio ordinarij, ubi Gloss. in V. gratia, alia jura allegat.* Hoc tamen intelli-

gendum, mo lo sint denuntiati esse tales *Nativat. in Manuali cap. 27. nu. 24.. quem plenus videre licet.*

2. *Cavere autem debet Episcopus, ne alie-
sz diœcesis subditum, etiam familiarem suum
absque ipsius superioris licentia, ad ordinem Ec-
clesiasticum, etiam primæ consurz, admit-
tat, nisi triennio simul cum ipso præsens com-
moratus fuerit, & statim cum ordinibus bene-
ficium illi conferat. Conc Trid. *Seff. 23. can. 9.*
Dereformat, & *Seff. 14. c. 1. De reformat.**

3. *Alioqui aliter ordinans per annum à collo-
catione Ordinum & ordinatus ab Ordinum
susceptorum executione, ipso jure suspenditur,
quam diu Ordinario videbitur Conc. Trid. d.
Seff. 2. 3. c. 8. Dereform. e. *2. §. 4. b. t. in 6.* licet
antea talis Episcopus deponit debere; *can. Nullum*: *x. q. 2.* Hinc tonsuratus ab alieno Episcopo
non est habilis ad beneficia, ac si non haberet
tonsuram. e. *fin. De Clerico excommunicato mi-
nistrante:* quia paria sunt, non habere tonsuram,
& habere inutilem, Rebuff. *De formula dimisso-
riarum 22.**

4. *Proprius autem Episcopus seu Prælatus
hic, seu quoad effectum susceptionis Ordinum,
cepsetur Episcopus, ex cuius diœcesi or-
iundus est ordinandus, vel in cuius diœcesi
beneficium Ecclesiasticum obtinet, vel licet ali-
bi natus, domicilium habet, e. *Cum nullus eod.*
in 6. Concil. Trident. *Seff. 2 cap. 2.* Requisitus
etiam beneficium sufficiens ad vietum hono-
stum, Episcopi vero nomina hic comprehen-
duntur Patriarchæ, Primates, Archiepiscopi,
Metropolitani, & simplices Episcopi. Sub or-
iundis in diœcesi comprehenduntur etiam
æ'ibi nati, sed in diœcesi baptizati: *Pias p. 1. tit.*
1. art. 2. n. 1. Hinc Præfecti locorum seu Prio-
ratus, non exemptorum, eorumque socij pos-
sunt ordinariab Episcopis, in quorum diœcesi
sunt quamdiu ibi inorantur, licet aliunde sint
oriundi, d.e. *Cum nullus eod in 6.* Græci verò à
Latinis, vel contra, ubi eorum ritus differunt,
ordinari non possunt, ne rituum siant com-
mixture, *e. Cum secundum 9 hoc tit.* Quod si
Græci, Latino Episcopo subiectus à Græco,
sine licentia Latini, ordinetur, interdictum ei
executio: sin de Latini licentia, toleratur,
nec debet ab executione Ordinum taliter sus-
ceptorum impediri, *e. Quod translationem 11. b. t.*
*Epis.**

Episcopus quoque Italæ Ultramontanum sub condigna pena non debet ordinare; nisi de speciali Papæ licentia, vel per patentes literas Episcopi illius, continentis justam causam, cur nolit aut non possit illum ordinare, eidem permittatur, e. i. & ibi Gloss. in V. Italia De officio Ordinarii in 6.

5. Summus quoque Pontifex ob summam in universam Ecclesiam, quam habet potestatem est cuiuslibet Christiani superioris & Generalis Episcopus totius mundi: potestque cuiuslibet Ecclesia Clericos ordinare, e. p. & ult. ix. q. 3. etiam solo verbo Clericum creare, quia ipse introduxit formam primæ tonsuræ, quam tollere potest. Dico, Clericum; quia licet Rebuff. in Praxi tui. De Clericis, & à quibus & quomodo creantur n. 9 securus Felin. & Angel. quos citat, existimet etiam solo verbo, ob similem rationem, posse creare Presbyterum, tamen re penitus examinata, id esse contra communem omnium Theologorum sententiam, & formam Presbyteratus Iuris esse divini censeo. Ab eo vero significatis ordine aliquo non potest ab alio a sublimioribus promoveri, licentia ipsius non imperata, e. Dum in distribuendis 12. b. t. non ideo tamen subtrahitur ab Ordinarii potestate, e. portuas extr. De majoritate.

6. Sed & Abbatibus, non quidem ex vi sui officii, sed jure singulari à facie Canonibus conceditur potestas conferendi primam tonsuram, Lectoratum Psalmistarum, id est officium cantandi, & Ostiacionis, can. Quoniam Disibin. 69. c. Cum contingat inf. De astate & qual. &c. & aliis, sed sui dum: axat Monasteri Monachis, & quidem post professionem, ne exceptant postea, siue fraus, quæ præcavenda est, committatur Rcb. affus d. loc. n. 17. etiam sine examine Episcopi, Navar. Cons. 14. De privilegiis modo tamen ipsi Presbyteri sint, ac manus impositionem ab Episcopo receperint, d. e. Cum contingat, e. Abbatibus De privilegiis in 6. Alios Ordines minores, nempe Acolytatus & Exorcistatus, conferre non possunt, nisi ex speciali privilegio id eis concessum sit, pro ut hodie concessum videatur, secundum Zerolam, 1. parte Praxis Episcopatu in V. Abbas: & ita declarasse laetram Congregat, refert Piat. 1. p. c. 1. art. 1. n. 7. Quod intelligendum de verbis Abbatibus, ut sunt Benedictini, & alii, non verò de commendatariis, Zerola d. loco,

§ VI.

De litteris dimissorijs, seu reverendis, ut quidem vocant,

1. Quanam dicantur litteræ dimissoriæ.
2. Sunt vel speciales vel generales.
3. Quis dare eas possit.
4. Non exprimunt morte dantia.
5. Quando sine iis ab alieno Episc. Ordines conferri possint.

D E litteris dimissoriis aliquid subjiciendum est ideo, quia Episcopus alienæ diocesis subditum ordinare non potest, absque superioris eius licentia.

1. Sunt autem litteræ dimissoriæ, quibus sic alieui potestas suscipienda Ordinis ab alio, quam à proprio Episcopo.

2. Et haec subinde sunt speciales, veluti quod quis ordinari possit à tali vel tali Episcopo: & tum nequit ab alio ordinari quam ab expresso, quia unius expressio est alterius exclusio, e. Nonne 5. Inf. De presumpt. Et ideo sit nominatus in litteris dimissoriis Episcopus, impeditus nequeat conferre Ordines, curerque in sua diocesi per alium Episcopum eos conferri, talis non poterit ordinare nisi personas subjectas Episcopo, de cuius licentia & in cuius Diocesi ordinabit. Ita intellige & 5. Sess. 6. Conc. Trid. ne repugnet e. 11. Sess. 7. Zerola p. 1. V. Dimissoria ad 5. vers. Secundum. Aliquando verò sunt generales, veluti quod à quolibet Episcopo ordinari quis possit.

Hæ litteræ continere debent Ordines, qui illarum vigore conferendi sunt: alias per facultatem recipiendi Ordines minores vel Ordines tantum, maiores non compræhenderentur, arg. e. 1. b. t.

3. Date eas potest imprimis summus Pontifex, & quidem omnibus Christianis, e. i. eod. in 6. ibi, nisi à nobis &c. quia est generalis Episcopus totius mundi, can. cumla per mun. um 1x, q. 3. & alia. Secundo, proprius Episcopus suis subditis, sive sit Episcopus originis, sive domicilium, sive ratione beneficij, e. Cum nullus eod in 6. modo tamen sufficientem habere possit informationem de probitate morum, sufficientia & natalibus ordinandi. Episcopi vero superior seu Archiepiscopus jure metropolitano subditis Episcopi dimissorias dare non potest